



Ex libris Bruno MONNIER
Chateau de MANTRY
JURA

Tus 20e

belong 26333

Ruggieri 406 (1 1/2)

le bee 5228.11



CEREMONIES

FAICTES A L'ENTREE
du Roy, & de la Royne, en leur
bonneville d'Orleans.

Le Dimanche huiëtiesme de May.



A PARIS

De l'Imprimerie d'Anthoine du Brueil,
ruë Macon pres le carrefour
Saint Seuerin.

M. DC. XVI.

Avec Permission.

THE UNIVERSITY OF CHICAGO

LIBRARY

540 EAST 58TH STREET

CHICAGO, ILL. 60637

1. The University of Chicago



21210 A

2. The University of Chicago

3. The University of Chicago

4. The University of Chicago

5. The University of Chicago

6. The University of Chicago



LES CEREMONIES FAI-

*ctes à l'entree du Roy & de la Royne,
en leur bonne ville d'Orleans, le Di-
manche huietiesme de May.*



En fin par la grace de Dieu, François, nous voila au calme & au repos desiré, la tempeste à cessé, l'orage à passé, & le serain apparoist sur le ciel de la France, apres plusieurs souspirs eslancez au ciel sur les miseres que nous auons ressenties par le passé. En fin la ville d'Orleans apres auoir attendu longuement l'heureux retour de leurs Maiestez, à veu finalement l'astre dominant & l'ascendant de sa prosperité retourner plein de gloire & de bienveillance pour la consolatio de son peuple & de tous ses bons suiets.

Plus de six mois ya que ceste florissante Cité (l'vne des plus fidelles du Royaume, & qui iamaïs ne s'est assuree qu'en la bôté

de son Roy, ny pris autre party que celuy ou il y alloit de son seruice) à proiection de receuoir leursdictes Maiestez avec tout honneur & triomphe, autant qu'il luy est possible : les Bourgeois n'ont espargné la despence pour faire paroistre la fleur de la ieunesse, l'honneur de la Solongne, au deuant de leur triomphante Princeesse.

Le Dimanche huitiesme de May est le jour assigné pour la reception : Les habitas se preparent pour vn suiet si royal.

Ce iour venu lesdicts Bourgeois sortent de la ville en nombre de plus de six mille hommes de pied biē armez & vestus, prest à bien faire pour le seruice du Roy, & furent au deuant de la Royne, pres d'vne lieuë loing de ladicte ville.

Plus, ce qui fut l'ornement, & qui donna la grace ou leurs Maiestez prirent vn extreme plaisir, furent enuiron trois cens ieunes enfans de l'âge du Roy ou enuiron tous choisis & bien vestus à l'enuy l'vn de l'autre, & a qui mieux mieux lesquels sortiront au deuant en ordre disposez & rāgees par les Capitaines & sergens de leur Academie militaire.

La Royne entra dans la ville, portee dans

une Litierre couuverte de velours rouge incarnat, enrichie de broderies & de passements d'or & d'argent, ouuerte de tous costez, ladicte Litierre conduicte par deux Pages, vestus de mesme couleur & liuree.

Sa Maiesté qui estoit l'adedans fut veüe la face decouuerte depuis l'entree de la ville iusques au logis qui luy fut preparé: Elle estoit vestuë d'une robe brochee d'or & d'argent, avec vn petit chapeau sur sa teste, portant tousiours vn visage riant, admiré de tous, pour sa grande & parfaicte beauté: quatre Herauts d'armes prece-
doient ladicte Litierre suivis & accompagnez de quatre trompettes sonnantes.

Sadicte Maiesté estoit suiuiede plusieurs grandes Dames, tant Françoises, qu'Espagnolles portees en d'autres Litieres & Carosses.

Au dessus de la porte de la ville, par laquelle entrerent leursdictes Maiestez fut representé vn Tableau dans lequel estoit depeint la Maiesté diuine, qui avec vn visage riant, tenoit les mains de leurs Maiestez, comme Dieu seul estant premier auteur de ceste heureuse alliance.

Elle rencontre d'abord entrant en ladi-

de ville, Messieurs les Maire & Echevins, qui luy firent vne briefue harangue, laquelle luy fut agreable, & dont elle parut estre fort satisfaicte, baissant la teste en forme de remerciement.

Entree qu'elle est dans la ville, ce ne sont que ioyes, que cris & acclamations si grandes parmy les ruës, que iamais ne se remarqua rien de pareil aux triumphes de Rome.

Arriuant au logis qui luy estoit preparé, sa Maiesté fut descendue de sa Litier, par Monsieur le Marquis de Rambouillet tenant lieu de grand Escuyer, en la place de feu Monsieur le Duc d'Vsez decedé à Tours.

Les Bourgeois retournans à la ville deschargerent leurs harquebuses & mousquets, pour accroistre & augmenter la reioissance.

Le Roy estoit arriué auparauant la Royne en ladicte ville enuiron vne heure, y entrant sans aucune ceremonie, ains comme en retournant de la chasse.

La Royne mere y entra enuiron vne heure apres l'entree de la Royne, aussi sans aucune ceremonie, ny grande suite si ne

laissent pourtant lesdits bourgeois d'Orleans de receuoir leurs Maiestez, avec tout honneur & respect.

Et est aussi chose qui fut belle à voir quand la Royne fut conduite en son logis de par sa Maiesté, fut crié largesse au peuple par la rue par l'un desdicts Herauts d'armes, où fut ietté grande quantité de pieces d'argent.

Leurs dictes Maiestez entrerent en Orleans enuiron sur les cinq heures de releuee, la Royne assistee d'une grande quantité de Dames & Seigneurs fort richement & superbement parez: ils n'y coucherent qu'une seule nuit, car dès le lendemain matin qui fut le iour d'hyer Lundy ensuiuant 9. dudit mois, le Roy & la Royne se partirent de ladicte ville d'Orleans, & tirent droit à Pluuiers: & pour la Royne mere elle deuoit partir le iour d'hyer d'Orleans pour venir coucher en la ville d'Estampes, & de là s'acheminer à Paris, pour s'y trouuer auant l'arriuee de leurs dictes Maiestez que nous esperons estre en brief. de sorte que par tout le chemin il ny a si petite ville ny bourgade qui n'ait tesmoigné à son Roy vn signe de grande affe-

tion, fidelité & obeyſſance: mais ce n'eſt rien à l'eſgard de ce que luy prepare la bõne ville de Paris, toute reſiouye de la bien-venue de la paix & de l'heureux retour de leurs dictes Maieſtez.

F I N.

SPECIAL

87-B

DC

2585

123.8

C41

1616

